

林則徐小楷
佛經四種

上海書店出版



林則徐小楷
佛經四種

上海書店出版

ISBN 7-80569-505-4/J·251

定价：2.50 元

沪新登字119号

封面设计：柯国富

林则徐小楷佛经四种

上海书店出版社出版

(上海福州路401号)

上海书店上海发行所发行

上海浦江印刷厂印刷

开本787×1092毫米 1/32 印张4.3/4

1993年3月第一版 1993年3月第一次印刷

印数 0001—6000

ISBN 7-80569-595-4/J·251

定价：2.50 元

出版说明

林则徐（一七八五——一八五〇），享年六十六岁。字少穆，元抚，晚号戛村老人。福建侯官（今闽侯县）人。嘉庆十六年进士，历任编修、监察御史，江、浙、闽、粤、云、贵、陕甘等省按察使、布政使、巡抚、河道总督，两广、陕甘、湖广、云贵总督等官。以力主禁烟、抗击英军入侵著称，卒谥文忠。书法具体『欧阳』。清梁章钜曰：『少穆最工作小楷，出联自然辟合。』

林则徐是一位有卓识远见的政治家，又是一位书法家。其所书小楷《佛经四种》全从唐楷中来，显示扎实的欧体功底，结体疏通、平稳匀称、不求险劲、务使闲适自如、意正笔正、写来十分虔诚，充满着宗教的肃穆之气，从中也可看出林则徐用笔严肃认真、一丝不苟的精神，与他的人品和学识是一致的。前人往往以书写小楷来陶冶性情、规约自己，从字中看出，林则徐也有此意。由于时代的局限和环境的影响，不能不指出，此小楷亦染有馆阁习气，较之唐人写经，笔力或稍怯弱，殊乏豪爽。少穆小楷存世甚少，今亦足可一睹风采。

目錄

阿彌陀經

一

心經

二九

金剛經

三五

往生咒

一一五

大悲咒

一二九

佛說阿彌陀經

姚秦三藏法師鳩摩羅什譯

如是我聞一時佛在舍衛國祇
樹給孤獨園與大比丘僧千二
百五十人俱皆是大阿羅漢衆
所知識長老舍利弗摩訶目犍

連摩訶迦葉摩訶迦旃延摩訶
俱絺羅離婆多周利槃陀伽難
陀阿難陀羅睺羅憍梵波提賓
頭盧頗羅墮迦留陀夷摩訶劫
賓那薄拘羅阿菟樓駄如是等
諸大弟子并諸菩薩摩訶薩文

佛號阿彌陀今現在說法舍利
弗彼土何故名為極樂其國衆
生無有衆苦但受諸樂故名極
樂又舍利弗極樂國土七重欄
楯七重羅網七重行樹皆是四
寶周帀圍繞是故彼國名為極

殊師利法王子阿逸多菩薩乾
陀訶提菩薩常精進菩薩與如
是等諸大菩薩及釋提桓因等
無量諸天大衆俱爾時佛告長
老舍利弗從是西方過十萬億
佛土有世界名曰極樂其土有

樂又舍利弗極樂國土有七寶
池八功德水充滿其中池底純
以金沙布地四邊階道金銀琉
璃玻瓈合成上有樓閣亦以金
銀琉璃玻瓈碑礫赤珠碼碯而
嚴飾之池中蓮華大如車輪青

色青光黃色黃光赤色赤光白
色白光微妙香潔舍利弗極樂
國土成就如是功德莊嚴又舍
利弗彼佛國土常作天樂黃金
為地晝夜六時雨天曼陀羅華
其土衆生常以清旦各以衣祴

盛衆妙華供養他方十萬億佛
卽以食時還到本國飯食經行
舍利弗極樂國土成就如是功
德莊嚴復次舍利弗彼國常有
種種奇妙雜色之鳥白鶴孔雀
鸚鵡舍利迦陵頻伽共命之鳥

是諸衆鳥晝夜六時出和雅音
其音演暢五根五力七菩提分
八聖道分如是等法其土衆生
聞是音已皆悉念佛念法念僧
舍利弗汝勿謂此鳥實是罪報
所生所以者何彼佛國土無三

惡道舍利弗其佛國土尚無惡
道之名何況有實是諸衆鳥皆
是阿彌陀佛欲令法音宣流變
化所作舍利弗彼佛國土微風
吹動諸寶行樹及寶羅網出微
妙音譬如百千種樂同時俱作

聞是音者自然皆生念佛念法
念僧之心舍利弗其佛國土成
就如是功德莊嚴舍利弗於汝
意云何彼佛何故號阿彌陀舍
利弗彼佛光明無量照十方國
無所障礙是故號為阿彌陀又

舍利弗彼佛壽命及其人民無
量無邊阿僧祇劫故名阿彌陀
舍利弗阿彌陀佛成佛以來於
今十劫又舍利弗彼佛有無量
無邊聲聞弟子皆阿羅漢非是
筭數之所能知諸菩薩衆亦復

如是舍利弗彼佛國土成就如
是功德莊嚴又舍利弗極樂國
土衆生生者皆是阿鞞跋致其
中多有一生補處其數甚多非
是筭數所能知之但可以無量
無邊阿僧祇說舍利弗衆生聞

者應當發願願生彼國所以者
何得與如是諸上善人俱會一
處舍利弗不可以少善根福德
因緣得生彼國舍利弗若有善
男子善女人聞說阿彌陀佛執
持名號若一日若二日若三日

若四日若五日若六日若七日
一心不亂其人臨命終時阿彌
陀佛與諸聖衆現在其前是人
終時心不顛倒即得往生阿彌
陀佛極樂國土舍利弗我見是
利故說此言若有衆生聞是說

者應當發願生彼國土舍利弗
如我今者讚歎阿彌陀佛不可
思議功德之利東方亦有阿閼
鞞佛須彌相佛大須彌佛須彌
光佛妙音佛如是等恒河沙數
諸佛各於其國出廣長舌相徧

覆三千大千世界說誠實言汝
等衆生當信是稱讚不可思議
功德一切諸佛所護念經舍利
弗南方世界有日月燈佛名聞
光佛大嚴肩佛須彌燈佛無量
精進佛如是等恒河沙數諸佛

各於其國出廣長舌相徧覆三
千大千世界說誠實言汝等衆
生當信是稱讚不可思議功德
一切諸佛所護念經舍利弗西
方世界有無量壽佛無量相佛
無量幢佛大光佛大明佛寶相

佛淨光佛如是等恒河沙數諸
佛各於其國出廣長舌相徧覆
三千大千世界說誠實言汝等
衆生當信是稱讚不可思議功
德一切諸佛所護念經舍利弗
北方世界有皎肩佛最勝音佛

難沮佛日生佛網明佛如是等
恒河沙數諸佛各於其國出廣
長舌相徧覆三千大千世界說
誠實言汝等衆生當信是稱讚
不可思議功德一切諸佛所護
念經舍利弗下方世界有師子

佛名聞佛名光佛達摩佛法幢
佛持法佛如是等恒河沙數諸
佛各於其國出廣長舌相徧覆
三千大千世界說誠實言汝等
衆生當信是稱讚不可思議功
德一切諸佛所護念經舍利弗

上方世界有梵音佛宿王佛香
上佛香光佛大燄肩佛雜色寶
華嚴身佛娑羅樹王佛寶華德
佛見一切義佛如須彌山佛如
是等恒河沙數諸佛各於其國
出廣長舌相徧覆三千大千世

界說誠實言汝等衆生當信是
稱讚不可思議功德一切諸佛
所護念經舍利弗於汝意云何
何故名為一切諸佛所護念經
舍利弗若有善男子善女人聞
是經受持者及聞諸佛名者是

諸善男子善女人皆為一切諸
佛之所護念皆得不退轉於阿
耨多羅三藐三菩提是故舍利
弗汝等皆當信受我語及諸佛
所說舍利弗若有人已發願今
發願當發願欲生阿彌陀佛國

者是諸人等皆不得退轉於阿
耨多羅三藐三菩提於彼國土
若已生若今生若當生是故舍
利弗諸善男子善女人若有信
者應當發願生彼國土舍利弗
如我今者稱讚諸佛不可思議

功德彼諸佛等亦稱讚我不可
思議功德而作是言釋迦牟尼
佛能為甚難希有之事能於娑
婆國土五濁惡世劫濁見濁煩
惱濁衆生濁命濁中得阿耨多
羅三藐三菩提為諸衆生說是

一切世間難信之法舍利弗當
知我於五濁惡世行此難事得
阿耨多羅三藐三菩提為一切
世間說此難信之法是為甚難
佛說此經已舍利弗及諸比丘
一切世間天人阿修羅等聞佛

所說歡喜信受作禮而去

佛說阿彌陀經

--	--	--	--	--	--

般若波羅蜜多心經

唐三藏法師元奘奉詔譯

觀自在菩薩行深般若波羅蜜
多時照見五蘊皆空度一切苦
厄舍利子色不異空空不異色
色即是空空即是色受想行識

亦復如是舍利子是諸法空相
不生不滅不垢不淨不增不減
是故空中無色無受想行識無
眼耳鼻舌身意無色聲香味觸
法無眼界乃至無意識界無無
明亦無無明盡乃至無老死亦

無老死盡無苦集滅道無智亦
無得以無所得故菩提薩埵依
般若波羅蜜多故心無罣礙無
罣礙故無有恐怖遠離顛倒夢
想究竟涅槃三世諸佛依般若
波羅蜜多故得阿耨多羅三藐

三菩提故知般若波羅蜜多是
大神咒是大明咒是無上咒是
無等等咒能除一切苦真實不
虛故說般若波羅蜜多咒即說
咒曰

揭諦揭諦 波羅揭諦 波羅

僧揭諦 菩提薩婆訶

般若波羅蜜多心經

--	--	--	--	--	--

請八金剛

奉請 青除災金剛

除一切衆生風世
災殃主大海

奉請 辟毒 金剛

除一切衆生瘟疫
病患主災毒

奉請 黃隨求金剛

令一切衆生所求
如願主功德

奉請 白淨水金剛

除一切衆生熱惱
苦主一切實

奉請 赤聲火金剛

除一切衆生無明
見主生風

奉請 定除灾金剛 除一切衆生灾難 苦主琉璃	奉請 紫賢 金剛 能令一切衆生開 解悟主堅牢藏	奉請 大神 金剛 能令一切衆生智 芽成就主龍王		
---	---	---	--	--

請四菩薩

奉請 金剛眷菩薩 慈也

奉請 金剛索菩薩 悲也

奉請 金剛愛菩薩 喜也

奉請 金剛語菩薩 捨也

--	--	--	--	--	--

法會
因由
第一分

金剛般若波羅蜜經

姚秦三藏法師鳩摩羅什譯

如是我聞一時佛在舍衛國祇
樹給孤獨園與大比丘衆千二
百五十人俱爾時世尊食時著
衣持鉢入舍衛大城乞食於其

善現
起請
分第
二

城中次第乞已還至本處飯食	訖收衣鉢洗足已敷座而坐	時長老須菩提在大衆中即從	座起偏袒右肩右膝著地合掌	恭敬而白佛言希有世尊如來	善護念諸菩薩善付囑諸菩薩
--------------	-------------	--------------	--------------	--------------	--------------

世尊善男子善女人發阿耨多
羅三藐三菩提心云何應住云
何降伏其心佛言善哉善哉須
菩提如汝所說如來善護念諸
菩薩善付囑諸菩薩汝今諦聽
當為汝說善男子善女人發阿

大桑
正宗
分第
三

耨多羅三藐三菩提心應如是
住如是降伏其心唯然世尊願
樂欲聞

佛告須菩提諸菩薩摩訶薩應
如是降伏其心所有一切衆生
之類若卵生若胎生若濕生若

化生若有色若無色若有想若
無想若非有想非無想我皆令
入無餘涅槃而滅度之如是滅
度無量無數無邊衆生實無衆
生得滅度者何以故須菩提若
菩薩有我相人相衆生相壽者

妙行
無住
分第
四

相即非菩薩

復次須菩提菩薩於法應無所
住行於布施所謂不住色布施
不住聲香味觸法布施須菩提
菩薩應如是布施不住於相何
以故若菩薩不住相布施其福

德不可思量須菩提於意云何
東方虛空可思量不不也世尊
須菩提南西北方四維上下虛
空可思量不不也世尊須菩提
菩薩無住相布施福德亦復如
是不可思量須菩提菩薩但應

如理
實見
分第
五

如所教住

須菩提於意云何可以身相見

如來不不也世尊不可以身相

得見如來何以故如來所說身

相即非身相佛告須菩提凡所

有相皆是虛妄若見諸相非相

正信
希有
第六

即見如來

須菩提白佛言世尊頗有衆生
得聞如是言說章句生實信不
佛告須菩提莫作是說如來滅
後後五百歲有持戒脩福者於
此章句能生信心以此為實當

知是人。不於一佛。二佛。三四五
佛。而種善根。已於無量千萬佛
所種諸善根。聞是章句。乃至一
念生淨信者。須菩提。如來悉知
悉見。是諸衆生。得如是無量福
德。何以故。是諸衆生。無復我相。

人相衆生相壽者相無法相亦
無非法相何以故是諸衆生若
心取相即為著我人衆生壽者
若取法相即著我人衆生壽者
何以故若取非法相即著我人
衆生壽者是故不應取法不應

無得
無說
第七分

取非法以是義故如來常說汝	等比丘知我說法如筏喻者法	尚應捨何況非法	須菩提於意云何如來得阿耨	多羅三藐三菩提耶如來有所	說法耶須菩提言如我解佛所
--------------	--------------	---------	--------------	--------------	--------------

說義無有定法名阿耨多羅三
藐三菩提亦無有定法如來可
說何以故如來所說法皆不可
取不可說非法非非法所以者
何一切賢聖皆以無為法而有
差別

依法
出生
第八分

復	有	人	於	此	經	中	受	持	乃	至	四
福	德	性	是	故	如	來	說	福	德	多	若
甚	多	世	尊	何	以	故	是	福	德	即	非
所	得	福	德	寧	為	多	不	須	菩	提	言
大	千	世	界	七	寶	以	用	布	施	是	人
須	菩	提	於	意	云	何	若	人	滿	三	千

一相
無相

句偈等為他人說其福勝彼何
以故須菩提一切諸佛及諸佛
阿耨多羅三藐三菩提法皆從
此經出須菩提所謂佛法者即
非佛法

須菩提於意云何須陀洹能作

第九分

是念我得須陀洹果不須菩提
言不也世尊何以故須陀洹名
為入流而無所入不入色聲香
味觸法是名須陀洹須菩提於
意云何斯陀舍能作是念我得
斯陀舍果不須菩提言不也世

尊何以故斯陀舍名一往來而
實無往來是名斯陀舍須菩提
於意云何阿那舍能作是念我
得阿那舍果不須菩提言不也
世尊何以故阿那舍名為不來
而實無來是故名阿那舍須菩

提於意云何阿羅漢能作是念
我得阿羅漢道不須菩提言不
也世尊何以故實無有法名阿
羅漢世尊若阿羅漢作是念我
得阿羅漢道即為著我人衆生
壽者世尊佛說我得無諍三昧

入中最為第一是第一離欲阿
羅漢世尊我不作是念我是離欲阿
羅漢世尊我若作是念我得阿
羅漢道世尊即不說須菩提是
樂阿蘭那行者以須菩提實無
所行而名須菩提是樂阿蘭那

莊嚴
淨土
分第十

行

佛告須菩提於意云何如來昔
在然燈佛所於法有所得不世
尊如來在然燈佛所於法實無
所得須菩提於意云何菩薩莊
嚴佛土不不也世尊何以故莊

嚴佛土者即非莊嚴是名莊嚴
是故須菩提諸菩薩摩訶薩應
如是生清淨心不應住色生心
不應住聲香味觸法生心應無
所住而生其心須菩提譬如有人
身如須彌山王於意云何是

無為
福勝
第十一

身為大不須菩提言甚大世尊	何以故佛說非身是名大身	須菩提如恒河中所有沙數如	是沙等恒河於意云何是諸恒	河沙寧為多不須菩提言甚多	世尊但諸恒河尚多無數何況
--------------	-------------	--------------	--------------	--------------	--------------

其沙須菩提我今實言告汝若
有善男子善女人以七寶滿爾
所恒河沙數三千大千世界以
用布施得福多不須菩提言甚
多世尊佛告須菩提若善男子
善女人於此經中乃至受持四

尊重
正教
第十二
分第

白偈等為他人說而此福德勝
前福德

復次須菩提隨說是經乃至四
句偈等當知此處一切世間天
人阿修羅皆應供養如佛塔廟
何況有人盡能受持讀誦須菩

如法
受持
分第
十三

提當知是人成就最上第一希
有之法若是經典所在之處即
為有佛若尊重弟子

爾時須菩提白佛言世尊當何
名此經我等云何奉持佛告須
菩提是經名為金剛般若波羅

蜜以是名字汝當奉持所以者
何須菩提佛說般若波羅蜜即
非般若波羅蜜須菩提於意云
何如來有所說法不須菩提白
佛言世尊如來無所說須菩提
於意云何三千大千世界所有

微塵是為多不須菩提言甚多
世尊須菩提諸微塵如來說非
微塵是名微塵如來說世界非
世界是名世界須菩提於意云
何可以三十二相見如來不不
也世尊不可以三十二相得見

如來何以故如來說三十二相
即是非相是名三十二相須菩
提若有善男子善女人以恒河
沙等身命布施若復有人於此
經中乃至受持四句偈等為他
人說其福甚多

離相
寂滅
分第
十四

爾時須菩提聞說是經深解義
趣涕淚悲泣而白佛言希有世
尊佛說如是甚深經典我從昔
來所得慧眼未曾得聞如是之
經世尊若復有人得聞是經信
心清淨即生實相當知是人成

就第一希有功德世尊是實相
者即是非相是故如來說名實
相世尊我今得聞如是經典信
解受持不足為難若當來世後
五百歲其有衆生得聞是經信
解受持是人即為第一希有何

以故此人無我相無人相無衆
生相無壽者相所以者何我相
即是非相人相衆生相壽者相
即是非相何以故離一切諸相
即名諸佛佛告須菩提如是如
是若復有人得聞是經不驚不

怖不畏當知是人甚為希有何
以故須菩提如來說第一波羅
蜜即非第一波羅蜜是名第一
波羅蜜須菩提忍辱波羅蜜如
來說非忍辱波羅蜜何以故須
菩提如我昔為歌利王割截身

體我於爾時無我相無人相無
衆生相無壽者相何以故我於
往昔節節支解時若有我相人
相衆生相壽者相應生瞋恨須
菩提又念過去於五百世作忍
辱仙人於爾所世無我相無人

相無衆生相無壽者相是故須
菩提菩薩應離一切相發阿耨
多羅三藐三菩提心不應住色
生心不應住聲香味觸法生心
應生無所住心若心有住即為
非住是故佛說菩薩心不應住

色布施須菩提菩薩為利益一
切衆生應如是布施如來說一
切諸相即是非相又說一切衆
生即非衆生須菩提如來是真
語者實語者如語者不誑語者
不異語者須菩提如來所得法

此法無實無虛須菩提若菩薩
心住於法而行布施如人入闇
即無所見若菩薩心不住法而
行布施如人有目日光明照見
種種色須菩提當來之世若有
善男子善女人能於此經受持

持經功德分第十五

讀誦即為如來以佛智慧悉知
是人悉見是人皆得成就無量
無邊功德

須菩提若有善男子善女人初
日分以恒河沙等身布施中日
分復以恒河沙等身布施後日

分亦以恒河沙等身布施如是
無量百千萬億劫以身布施若
復有人聞此經典信心不逆其
福勝彼何況書寫受持讀誦為
人解說須菩提以要言之是經
有不可思議不可稱量無邊功

德如來為發大乘者說為發最
上乘者說若有人能受持讀誦
廣為人說如來悉知是人悉見
是人皆得成就不可量不可稱
無有邊不可思議功德如是人
等即為荷擔如來阿耨多羅三

藐三菩提何以故須菩提若樂
小法者著我見人見衆生見壽
者見即於此經不能聽受讀誦
為人解說須菩提在在處處若
有此經一切世間天人阿修羅
所應供養當知此處即為是塔

能淨
業障
第十六
分

皆應恭敬作禮圍繞以諸華香
而散其處

復次須菩提若善男子善女人
受持讀誦此經若為人輕賤是
人先世罪業應墮惡道以今世
人輕賤故先世罪業即為消滅

當得阿耨多羅三藐三菩提須
菩提我念過去無量阿僧祇劫
於然燈佛前得值八百四十萬
億那由他諸佛悉皆供養承事
無空過者若復有人於後末世
能受持讀誦此經所得功德於

我所供養諸佛功德百分不及
一千萬億分乃至算數譬喻所
不能及須菩提若善男子善女
人於後末世有受持讀誦此經
所得功德我若具說者或有人
聞心即狂亂狐疑不信須菩提

究竟無我
第十七分

當知是經義不可思議果報亦
不可思議

爾時須菩提白佛言世尊善男
子善女人發阿耨多羅三藐三
菩提心云何應住云何降伏其
心佛告須菩提善男子善女人

發阿耨多羅三藐三菩提者當
生如是心我應滅度一切衆生
滅度一切衆生已而無有一衆
生實滅度者何以故若菩薩有
我相人相衆生相壽者相即非
菩薩所以者何須菩提實無有

法發阿耨多羅三藐三菩提者
須菩提於意云何如來於然燈
佛所有法得阿耨多羅三藐三
菩提不不也世尊如我解佛所
說義佛於然燈佛所無有法得
阿耨多羅三藐三菩提佛言如

是如是須菩提實無有法如來
得阿耨多羅三藐三菩提須菩
提若有法如來得阿耨多羅三
藐三菩提者然燈佛即不與我
授記汝於來世當得作佛號釋
迦牟尼以實無有法得阿耨多

羅三藐三菩提是故然燈佛與
我授記作是言汝於來世當得
作佛號釋迦牟尼何以故如來
者即諸法如義若有人言如來
得阿耨多羅三藐三菩提須菩
提實無有法佛得阿耨多羅三

貌三菩提須菩提如來所得阿耨多羅三藐三菩提於是中無實無虛是故如來說一切法皆是佛法須菩提所言一切法者即非一切法是故名一切法須菩提譬如人身長大須菩提言

世尊如來說人身長大卽為非
大身是名大身須菩提菩薩亦
如是若作是言我當滅度無量
衆生卽不名菩薩何以故須菩
提實無有法名為菩薩是故佛
說一切法無我無人無衆生無

壽者須菩提若菩薩作是言我
當莊嚴佛土是不名菩薩何以
故如來說莊嚴佛土者即非莊
嚴是名莊嚴須菩提若菩薩通
達無我法者如來說名真是菩
薩

一體
同觀
分第
十八

須菩提於意云何如來有肉眼	不如是世尊如來有肉眼須菩	提於意云何如來有天眼不如	是世尊如來有天眼須菩提於	意云何如來有慧眼不如是世	尊如來有慧眼須菩提於意云
--------------	--------------	--------------	--------------	--------------	--------------

何如來有法眼不如是世尊如
來有法眼須菩提於意云何如
來有佛眼不如是世尊如來有
佛眼須菩提於意云何恒河中
所有沙佛說是沙不如是世尊
如來說是沙須菩提於意云何

如一恒河中所有沙有如是等
恒河是諸恒河所有沙數佛世
界如是寧為多不甚多世尊佛
告須菩提爾所國土中所有衆
生若干種心如來悉知何以故
如來說諸心皆為非心是名為

法界通化
第九分

心所以者何須菩提過去心不
可得現在心不可得未來心不
可得

須菩提於意云何若有人滿三
千大千世界七寶以用布施是
人以是因緣得福多不如是世

尊此人以是因緣得福甚多須
菩提若福德有實如來不說得
福德多以福德無故如來說得
福德多

須菩提於意云何佛可以具足
色身見不不也世尊如來不應

以具足色身見何以故如來說
具足色身即非具足色身是名
具足色身須菩提於意云何如
來可以具足諸相見不不也世
尊如來不應以具足諸相見何
以故如來說諸相具足即非具

足是名諸相具足

須菩提汝勿謂如來作是念我
當有所說法莫作是念何以故
若人言如來有所說法即為謗
佛不能解我所說故須菩提說
法者無法可說是名說法爾時

無法
可得

慧命須菩提白佛言世尊頗有	衆生於未來世聞說是法生信	心不佛言須菩提彼非衆生非	不衆生何以故須菩提衆生衆	生者如來說非衆生是名衆生	須菩提白佛言世尊佛得阿耨
--------------	--------------	--------------	--------------	--------------	--------------

多羅三藐三菩提為無所得耶
如是如是須菩提我於阿耨多
羅三藐三菩提乃至無有少法
可得是名阿耨多羅三藐三菩
提

復次須菩提是法平等無有高

三十二

無比

下是名阿耨多羅三藐三菩提
以無我無人無衆生無壽者修
一切善法即得阿耨多羅三藐
三菩提須菩提所謂善法者如
來說非善法是名善法
須菩提若三千大千世界中所

有諸須彌山王如是等七寶聚
有人持用布施若人以此般若
波羅蜜經乃至四句偈等受持
為他人說於前福德百分不及
一千萬億分乃至算數譬喻所
不能及

須	菩	提	於	意	云	何	汝	勿	謂	如	來
作	是	念	我	當	度	衆	生	須	菩	提	莫
作	是	念	何	以	故	實	無	有	衆	生	如
來	度	者	若	有	衆	生	如	來	度	者	如
來	即	有	我	人	衆	生	壽	者	須	菩	提
如	來	說	有	我	者	即	非	有	我	而	凡

法身
非相
第六十二
六

夫之人以為有我須菩提凡夫
者如來說即非凡夫

須菩提於意云何可以三十二
相觀如來不須菩提言如是如
是以三十二相觀如來佛言須
菩提若以三十二相觀如來者

轉輪聖王即是如來須菩提白
佛言世尊如我解佛所說義不
應以三十二相觀如來爾時世
尊而說偈言

若以色見我 以音聲求我
是人行邪道 不能見如來

須菩提汝作是念如來以具足	相故得阿耨多羅三藐三菩提	須菩提莫作是念如來不以具	足相故得阿耨多羅三藐三菩	提須菩提汝若作是念發阿耨	多羅三藐三菩提者說諸法斷
--------------	--------------	--------------	--------------	--------------	--------------

不
受
不
貪
分
第
二
十
八

滅	莫	作	是	念	何	以	故	發	阿	耨	多
羅	三	藐	三	菩	提	者	於	法	不	說	斷
滅	相										
須	菩	提	若	菩	薩	以	滿	恒	河	沙	等
世	界	七	寶	持	用	布	施	若	復	有	人
知	一	切	法	無	我	得	成	於	忍	此	菩

威儀
寂靜

薩勝前菩薩所得功德須菩提	以諸菩薩不受福德故須菩提	白佛言世尊云何菩薩不受福	德須菩提菩薩所作福德不應	貪著是故說不受福德	須菩提若有人言如來若來若
--------------	--------------	--------------	--------------	-----------	--------------

第九十二

一合
理相
分第
三十

去若坐若卧是人不解我所說	義何以故如来者無所從來亦	無所去故名如来	須菩提若善男子善女人以三	千大千世界碎為微塵於意云	何是微塵衆寧為多不甚多世
--------------	--------------	---------	--------------	--------------	--------------

尊何以故若是微塵衆實有者
佛即不說是微塵衆所以者何
佛說微塵衆即非微塵衆是名
微塵衆世尊如來所說三千大
千世界即非世界是名世界何
以故若世界實有者即是一合

知見
不生
分第
三十

相如來說一合相即非一合相
是名一合相須菩提一合相者
即是不可說但凡夫之人貪著
其事

須菩提若人言佛說我見人見
衆生見壽者見須菩提於意云

何是人解我所說義不世尊是
人不解如來所說義何以故世
尊說我見人見衆生見壽者見
即非我見人見衆生見壽者見
是名我見人見衆生見壽者見
須菩提發阿耨多羅三藐三菩

應化
非真
分第
三十

提心者於一切法應如是知如
是見如是信解不生法相須菩
提所言法相者如來說即非法
相是名法相

須菩提若有人以滿無量阿僧
祇世界七寶持用布施若有善

男子善女人發菩薩心者持於
此經乃至四句偈等受持讀誦
為人演說其福勝彼云何為人
演說不取於相如如不動何以
故

一切有為法 如夢幻泡影

金剛般若波羅蜜經	皆大歡喜信受奉行	切世間天人阿修羅聞佛所說	比丘比丘尼優婆塞優婆夷一	佛說是經已長老須菩提及諸	如露亦如電 應作如是觀
----------	----------	--------------	--------------	--------------	-------------

--	--	--	--	--	--

拔一切業障根本得生淨土陀

羅尼

宋元嘉天竺三藏求那跋陀

羅譯

南無阿彌多婆夜 哆他伽多

夜 哆地夜他 阿彌利都婆

毘	阿彌利哆	悉耽婆毘
阿彌唎哆	毘迦蘭帝	阿彌
唎哆	毘迦蘭多	伽彌臍
伽伽那	枳多迦利	娑婆訶
若有善男子善女人能誦此咒		
者阿彌陀佛常住其頂日夜擁		

護無令怨家而得其便現世常	得安穩臨命終時任運往生			
--------------	-------------	--	--	--

--	--	--	--	--	--

千手千眼觀世音菩薩廣大圓
滿無礙大悲心陀羅尼

唐三藏不空譯

觀世音菩薩白佛言世尊若諸
衆生誦持大悲神咒墮三惡道
者我誓不成正覺誦持大悲神

咒若不生諸佛國者我誓不成
正覺誦持大悲神咒若不得無
量三昧辯才者我誓不成正覺
誦持大悲神咒於現在生中一
切所求若不果遂者不得為大
悲心陀羅尼也乃至說是語已

無阿唎耶	婆盧羯帝爍鉢囉	南無喝囉怛那哆囉夜耶	南	尼神妙章句陀羅尼曰	廣大圓滿無閼大悲心大陀羅	起大悲心開顏含笑即說如是	於衆會前合掌正住於諸衆生
-------------	----------------	-------------------	----------	------------------	---------------------	---------------------	---------------------

耶	寫	唵	埤婆耶	耶
南無那囉謹墀	南無悉吉唎埤伊蒙阿唎	薩播囉罰曳	摩訶迦盧尼迦耶	菩提薩埤婆耶
醯唎摩訶	婆盧吉帝室佛囉楞馱婆	數怛那怛		摩訶薩

菩 ^玻 提 ^堤 薩 ^薩 埵 ^埵	帝 ^得 迦 ^嘎 羅 ^拉 帝 ^提	怛 ^答 姪 ^達 他 ^塔	薩 ^薩 哆 ^鴉 那 ^納 摩 ^麻 婆 ^波 伽 ^伽	阿 ^阿 逝 ^施 孕 ^孕	瞞 ^已 哆 ^答 沙 ^沙 咩 ^密
薩 ^薩 婆 ^波 薩 ^薩 婆 ^波	夷 ^伊 醯 ^施 唎 ^哩	唵 ^唵 阿 ^阿 婆 ^波 盧 ^盧 醯 ^基	摩 ^麻 罰 ^哈 特 ^得 豆 ^都	薩 ^薩 婆 ^波 薩 ^薩 哆 ^鴉 那 ^納 摩 ^麻 婆 ^波	薩 ^薩 婆 ^波 阿 ^阿 他 ^鴉 豆 ^答 輸 ^舒 朋 ^蒙
摩 ^麻 囉 ^囉	摩 ^麻 訶 ^訶	盧 ^盧 伽 ^伽			

帝 ^提 隸 ^道	遮 ^雜 囉 ^拉 遮 ^雜 囉 ^拉	陀 ^徒 羅 ^利	耶 ^彌 帝 ^提	盧 ^魯 俱 ^姑 盧 ^魯 羯 ^揭 蒙 ^麻	摩 ^麻 囉 ^利
伊 ^厄 醯 ^哈 伊 ^希 醯 ^希	麼 ^麻 麼 ^麻 罰 ^哈 摩 ^麻 囉 ^利	地 ^提 唎 ^哩 尼 ^呢	摩 ^麻 訶 ^哈 罰 ^哈 闍 ^施 耶 ^彌 帝 ^提	度 ^都 盧 ^魯 度 ^都 盧 ^魯 罰 ^哈 闍 ^施	摩 ^麻 醯 ^施 摩 ^麻 醯 ^施 唎 ^哩 馱 ^途 孕 ^雅
室 ^施 那 ^納 室 ^施 那 ^納	穆 ^穆	室 ^利 佛 ^佛 囉 ^利 耶 ^彌	陀 ^徒 羅 ^利	俱 ^姑	

夜 ^彌	菩 ^舖 提 ^堤 夜 ^舖 菩 ^舖 提 ^堤 夜 ^舖	囉 ^喇 悉 ^西 唎 ^哩 悉 ^西 唎 ^哩	囉 ^喇 呼 ^乎 盧 ^魯 呼 ^乎 盧 ^魯 醯 ^沙 利 ^哩	嚩 ^生 佛 ^哈 囉 ^喇 舍 ^沙 耶 ^彌	阿 ^阿 囉 ^拉 嚩 ^生 佛 ^哈 囉 ^拉 舍 ^沙 利 ^哩
彌 ^彌 帝 ^尼 唎 ^哩 夜 ^彌	菩 ^舖 馱 ^達 夜 ^彌 菩 ^舖 馱 ^達	蘇 ^蘇 嚩 ^嚩 蘇 ^蘇 嚩 ^嚩	呼 ^乎 盧 ^魯 呼 ^乎 盧 ^魯 娑 ^薩 囉 ^喇 娑 ^薩	呼 ^乎 盧 ^魯 呼 ^乎 盧 ^魯 摩 ^巴	罰 ^哈 沙 ^沙 罰 ^哈
那 ^尼 嚩 ^拉 謹 ^嘎 墀 ^那					

娑婆訶	囉謹墀	藝室瞞囉耶	訶悉陀夜	婆訶悉陀夜	地利瑟尼那
娑婆訶	娑婆訶	娑婆訶	娑婆訶	娑婆訶	婆夜摩那
悉囉僧阿穆佉耶	摩囉那囉	娑婆訶那	悉陀喻	摩	娑

囉 囉 夜 夜	囉 囉 耶 耶	夜 夜	夜 夜	夜 夜	
娑 娑 婆 婆 訶 訶	娑 娑 婆 婆 訶 訶	娑 娑 婆 婆 訶 訶	娑 娑 婆 婆 訶 訶	娑 娑 婆 婆 訶 訶	娑 娑 婆 婆 訶 訶
南 南 無 無 喝 喝 囉 囉 怛 怛	摩 摩 婆 婆 利 利 勝 勝 羯 羯	那 那 囉 囉 謹 謹 墀 墀 幡 幡 伽 伽	波 波 陀 陀 摩 摩 羯 羯 悉 悉 陀 陀	者 者 吉 吉 羅 羅 阿 阿 悉 悉 陀 陀	娑 娑 婆 婆 摩 摩 訶 訶 阿 阿 悉 悉 陀 陀

那哆囉夜耶 南無阿利耶

婆羅吉帝 爍皤囉夜 娑婆

訶 唵悉殿都漫多囉跋陀耶

娑婆訶

觀世音菩薩說此咒已大地六

變震動天雨寶華繽紛而下十

方諸佛悉皆歡喜天魔外道恐
佈毛豎一切衆會皆獲果證或
得須陀洹果或得斯陀含果或
得阿那含果或得阿羅漢果或
得一地二地三四五地乃至十
地者無量衆生發菩提心



--	--	--	--	--	--

林文忠公行輿日課發隱

詳觀古之大忠大孝建大功立
大業道濟當時德被後世浩氣
塞天地精忠貫日月者皆由學
佛得力而來世儒不知道本只
見已然之迹而不知其所以然

之心致其本隱而不顯潛而不彰以拘儒忌佛故多主於潛修密證不自暴露若詳審其行迹必有不可掩者其子孫若非具正知見必惟恐為俗儒所譏亦不肯為之闡發耳以此因緣致

潛德幽光湮沒無聞者多多矣
舊唐書凡佛法事迹及士大夫
與高僧往還之言論俱擇要以
載歐陽修作新唐書刪去二千
餘條五代史亦然蓋惟恐天下
後世知佛法有益於身心性命

國家政治而學之也其他史官
多是此種拘墟之士故古大人
之潛修而密証者皆不得而知
焉 林文忠公則徐其學問智
識志節忠義為前清一代所僅
見雖政事冗繁而修持淨業不

經咒之梵冊課本見示其卷面
題曰淨土資糧其匣面題曰行
輿日課足知 公潛修淨土法
門雖出入往還猶不肯廢為備
行輿持誦故其經本只四寸多
長三寸多寬其字恭楷一筆不

稍間斷以學佛乃學問志節忠
義之根本此本既得則泛應曲
當舉措咸宜此古大人高出流
輩之所由來也一日 文忠公
曾孫翔字璧予者以 公親書
之彌陀金剛心經大悲往生各

苟足見其恭敬至誠不敢稍涉
疏忽也其經每面六行每行十
二字壁予以先人手澤恐久而
湮沒作書冊本而石印之以期
散布於各界人士俾同知文
忠公一生之修持庶可當仁不

讓見賢思齊因茲同冀超五濁
而登九品焉命光畧敘原委光
幼即聞公之名而嚮往之今
知其修持如此之嚴密誠所謂
乘願再來現宰官身而說法者
願見聞者一致進行同步後塵

則國家幸甚人民幸甚

民國二十二年癸酉仲夏

常慙愧僧釋印光敬撰



先賢林文忠公以偉特之
資膺艱鉅之任當前清中
葉文恬武嬉舉朝習於姜
蒲公獨具先識宏遠謨
所至興利祛弊事無不舉

禁煙之役聲震中外尤為
人所敬仰瑛與公之曾
孫丙南璧予侑生昆仲為
支許交一日至蘇璧予先
生出公之行輿日課見

示有手書金剛經阿彌陀
經往生咒大悲咒心經數
種乃知平生信佛由解起
行雖政務殷煩而受持無
間可謂難矣諦觀書法端

整秀潤一筆不懈歎為希
有茲欲製板以廣流傳因
跋數語用誌欽慕不忘云
爾 中華民國二十二年
仲夏閩僧圓瑛敬跋



謹按

先文忠公所書金剛經係照壽
春永慶寺南唐道顥法師石本
故與他刻畧有不同茲依是本
恭校 正信希有分第六闕字
為如字 持經功德分第十五

闕字為勝字 一相無相分第
九是第一離欲阿羅漢句下應
增世尊兩字敬謹補註 又阿
彌陀經散失五版計三百六十
字並照原本補繕累葉珍藏僅
及百載已有遺佚恐年久湮滅

用特影印流通以此因緣願仗
佛慈消除劫運則日夕所馨香
禱祝者已

中華民國二十二年

禁煙紀念日

曾孫翔謹識

